



## ҚОЗОҒИСТОН ПРЕЗИДЕНТИ ДАВЛАТ ТАШРИФИ БИЛАН ЎЗБЕКИСТОНГА КЕЛДИ

Ўзбекистон Республикаси Президенти Шавкат Мирзиёевнинг таклифига биноан 21 декабрь куни Қозоғистон Республикаси Президенти Қосим-Жомарт Тоқаев давлат ташрифи билан мамлакатимизга келди.

“Тошкент” халқаро аэропортида олий мартабали меҳмонни Ўзбекистон Республикаси Президенти Шавкат Мирзиёев кутиб олди.

Давлат раҳбарлари бир-бирларини самимий қутлаб, қисқа суҳбат ўтказдилар.

Ўзбекистон ташқи сиёсатда бошқа мамлакатлар, хусусан, қардош Қозоғистон Республикаси билан ўзаро ишонч ва яхши кўшничликка асосланган муносабатларни мустаҳкамлаш йўлидан бормоқда.

Ўзбекистон ташқи сиёсатда бошқа мамлакатлар, хусусан, қардош Қозоғистон Республикаси билан ўзаро ишонч ва яхши кўшничликка асосланган муносабатларни мустаҳкамлаш йўлидан бормоқда.

Шу ўринда икки мамлакат ўртасидаги ҳамкорлик динамикасига тўхталиб ўтиш ўринли.

Қозоғистон ҳудудида Ўзбекистон резидентлари иштирокида 1 минг 400 дан зиёд корхона ташкил этилган.

Қозоғистонда сановат кооперациясининг йирик лойиҳалари амалга оширилмоқда, хусусан, Костанай, Чимкент ва Туркистонда “Ravon” автомобилларини йиғиш, маиший техника ва тўқимачилик маҳсулотлари ишлаб чиқариш йўлга қўйилган.

Ўзбекистонда эса Қозоғистон капитал иштирокидаги 1 минг 100 дан ортиқ корхона фаолият юритмоқда.

Шундан сўнг Қозоғистон Республикаси Президенти Қосим-Жомарт Тоқаев Ўзбекистон Республикаси Бош вазири Абдулла Арипов ҳамроҳлигида “Янги Ўзбекистон” боғига борди.

Олий мартабали меҳмон Мустақиллик монументи пойига гулчамбар қўйди.

Она Ватанимиз, мард ва жасур, тинчликсевар ва меҳнатқаш, қаҳрамон халқимиз шарафига бунёд этилган буюк обида — Мустақиллик монументи ҳақида Президент Қосим-Жомарт Тоқаевга сўзлаб берилди.

Ўз навбатида, олий мартабали меҳмон “Янги Ўзбекистон” боғи, ҳудудда амалга оширилган бунёдкорлик ишларига юқори баҳо берди.

Шу ўринда энг юқори қисмида Хумо қуши тасвирланган мажмуа ҳақида қисқача тўхталиб ўтиш жоиз.

Мажмуа 2021 йил истиқлолимизнинг ўттиз йиллигига бағишлаб бунёд этилган. Унда мамлакатимизнинг қадим ва бой тарихи, бугунги кун билан боғлиқ энг муҳим воқеалар акс этган.

Буюк аллома ва жаҳонгир боларимизнинг сиймолари эса қалбаларга гурур бағишлайди.

Сўнги йилларда Ўзбекистон ва Қозоғистон ўртасида ҳамкорлик ҳар томонлама ривожланди.

Ҳар икки давлат раҳбарлари ўзаро алоқаларни сиёсий, иқтисодий, инвестиция, фан-техника, маданий-гуманитар соҳаларда янада комплекс ривожлантириш, олий, юқори ва бошқа даражаларда конструктив ва ишончга асосланган мулоқотни кенгайтириш тарафдори эканлигини таъкидлаш лозим.

Икки мамлакат ўртасида 2017-2019 йилларга мўлжалланган Иқтисодий ҳамкорлик стратегияси қабул қилингани иқтисодиёт ва товар айланмасининг ўсишига туртки берди.

Бунинг натижасида 2017 йилдан буён икки мамлакат ўртасидаги ўзаро савдо икки бараварга, яъни 2 миллиарддан 4 миллиард долларгача ўсди ва у изчил ошиб бормоқда.

Хусусан, 2021 йилда давлатларимиз ўртасидаги икки томонлама савдо ҳажми 3,9 миллиард долларни ташкил қилган.

2022 йил январь-ноябрда 4,2 миллиард долларга етган.

Ўзбекистон Қозоғистонга транспорт воситалари, озиқ-овқат товарлари, турли хизматлар, пластмасса ва ундан ясалган буюмлар, тўқимачилик маҳсулотлари, қора металл ва бошқаларни экспорт қилмоқда.

Қозоғистондан ун маҳсулотлари, қора металл, улардан ясалган маҳсулотлар, энергия маҳсулотлари, руда ва шлак, қурилиш материаллари, транспорт воситалари ва бошқалар импорт қилинмоқда.

2021 йил 6-8 декабрь кунлари Остона шаҳрида “Ўзбек кинеси кунлари” ташкил этилди, жорий йил ноябрь ойида Қозоғистон шаҳарларида “Ўзбек маданияти кунлари” бўлиб ўтди.

Шу йилнинг 19 декабрида Тошкентдаги Ўзбекистон тасвирий санъат галереясида атоқли қозоқ ёзувчиси, файласуфи, шоири ва бастакори Абай Қўнонбоев меросига бағишланган кўргазма очилди.

Ўзбек ва қозоқ халқлари нафақат яқин кўшни, балки қардош сифатида ҳам кўп қиррали ҳамкорликнинг барча масалалари бўйича азалдан бир-бирларини қўллаб-қувватлаб келганини алоҳида таъкидлаш лозим.

Бу алоқаларни янада мустаҳкамлаш ҳар икки мамлакат тараққиётига хизмат қилиши шубҳасиз.

Давлат ташрифи билан мамлакатимизга келган Қозоғистон Президенти Қосим-Жомарт Тоқаев Ўзбекистон Президенти Шавкат Мирзиёев хузурида “Кўксарой” қароргоҳининг Фахрий меҳмонлар хиббонида дарахт экди.

Маросим Ўзбекистон — Қозоғистон муносабатларида янги давр бошланаётгани, мамлакатларимиз ўртасидаги стратегик шериклик ва иттифоқчиликни қардош халқларимиз фаровонлиги йўлида янада мустаҳкамлашга қатъий интилишнинг ифодаси бўлди.

Қозоғистон етакчисининг мамлакатимизга давлат ташрифи асосий тадбирлари 22 декабрь куни бўлиб ўтади.

Олий даражадаги музокаралар якунида тарихий аҳамиятга эга битимларнинг имзоланиши кутилмоқда.

Зиёдулла ЖОНИБЕКОВ, Иқром АВВАЛБОВЕВ, ЎЗА мухбирлари

### МУНОСАБАТ

## БУЮК АЛЛОМАЛАРИМИЗ БИЗ УЧУН ҲИДОЯТ МАЁҒИДИР



Бисмиллаҳир Роҳманир Роҳим.

Президентимизнинг Мурожаатномаси юртимиз ҳаётида тобора алоҳида аҳамият касб этиб бораётган муҳим воқеадир.

2022 йил 20 декабрь куни бўлиб ўтган навбатдаги мана шундай тадбирда Олий Мажлис Сенати аъзолари ва Қонунчилик палатаси депутатлари, давлат ташкилотлари раҳбарлари, жамоатчилик вакиллари қатори мен ҳам иштирок этдим.


Ушбу Мурожаатномада юртимиз тараққиётининг янги босқичини ўз ичига олган режалар тақдим этилишини миллионлаб мўмин-мусулмонларимиз катта қизиқиш билан кузатди.

Давлатимиз раҳбари келгуси йилга мўлжалланган устувор йўналишлар ҳақида гапириб, Янги Ўзбекистон стратегиясининг давомийлигини таъминлаш мақсадида 2023 йилни “Инсонга эътибор ва сифатли таълим” йили деб эълон қилиши бошланган эзгу ишларнинг узвий давоми бўлди.

Давоми 3-бетда

### АДАБИЙ ДЎСТЛИК – АБАДИЙ ДЎСТЛИК

## ҚОЗОҚ АДАБИЁТИНИНГ УЛКАН НАМОЯНДАСИ



Яқинда атоқли қозоқ ёзувчиси ва публицисти Камол Тоқаевнинг асарлари илк бор ўзбек тилида замонавий дизайнда нашр этилди.

Камол Тоқаев ҳарбий-ватанпарварлик ва саргузашт-детектив жанрида фаол ижод қилган адиб сифатида кенг ўқувчилар оммасига яхши маъдум. Унинг роман ва қиссалари ўтқир ва қизиқарли сюжетти ҳамда кўтарилган ҳаётий масалалар тўғрисида катта эътироф ва қизгин баҳсу мунозараларга сабаб бўлган.

Адиб Иккинчи жаҳон урушида кўрсатган мардлик ва жасорати учун қатор давлат мукофотларига сазовор бўлган.

Шунингдек, у Қозоғистон Ёзувчилар уюшмаси ва Қозоғистон Ички ишлар вазирлиги томонидан эълон қилинган кўлаб танловларда ғолиб деб топилган.

Ушбу тўпламга ёзувчининг “Сирли из” ва “Оқишдаги қотиллик” қиссалари киритилган.

Замонавий қозоқ адабиёти ривожига улкан ҳисса қўшган атоқли адиб Камол Тоқаевнинг ушбу мухташам китоби ўзбек ўқувчилари қалбидан чуқур жой олишига ишонамиз.

Кўйида мазкур китобга ёзилган сўзбоши эълон қилинмоқда.

Давоми 2-бетда

### МУРОЖААТНОМАНИ ТИНГЛАБ

## ВАТАНИМИЗ РАВНАҚИ ВА КЕЛАЖАК ИСТИҚБОЛИМИЗНИ БЕЛГИЛОВЧИ МУҲИМ ҲОДИСА



Ҳамма нарса инсон шаъни ва кадр-қиммати учун. Инсон кадри улуг. Мамлакатимизда амалга ошириляётган изчил ислохотларнинг бутун мақсад-муддаоси айни шунга қаратилгани билан аҳамиятли. Зеро, кейинги йилларда Ўзбекистоннинг турли жабҳада эришяётган ютуқ ҳамда натижалари ҳар қачонгидан залварли.

Давоми 4-бетда

## ЎЗБЕКИСТОНДА ТАЪЛИМНИ РИВОЖЛАНТИРИШ БЎЙИЧА КЎРИЛАЁТГАН ИЗЧИЛ ЧОРА-ТАДБИРЛАР

замонавий дунёда янги хавф ва таҳдидларга дош бера оладиган ёшларнинг етишиб чиқишига хизмат қилади

Ўзбекистон Президенти Шавкат Мирзиёевнинг 20 декабрь куни Олий Мажлис ва Ўзбекистон халқига Мурожаатномаси халқаро ижтимоий-сиёсий, эксперт ва ишбилармон доиралар вакилларининг диққат марказида бўлиб қолмоқда.

Давоми 2-бетда









